



Ngaahi tali fekau'aki mo e Tempalé

'Oku anga fēfē 'a e loto tempalé?



Ko e tempalé ko e fale ia 'o e 'Eikí. 'Oku mā'a mo faka'ofa'ofa 'a loto. 'Oku teunga hinehina 'a e tokotaha kotoa pē mo feinga ke 'apasia. Ko ha feitu'u nonga ia ke hū ai ki he 'Otuá, ako, mo ongo'i e 'ofa 'a e Fakamo'uí 'o fakafou 'i he Laumālie Mā'oní'oní.



Ko e hā 'oku fai 'e he kakaí 'i loto he tempalé?

'Oku tau ako 'i he tempalé fekau'aki mo e palani 'a e 'Otuá mo fai ha **ngaahi fuakava** mo Ia. 'Oku tau fai 'eni 'aki 'etau kau 'i he **ngaahi ouau** hangē ko e papitaisó, hilifakinimá mo e silá'i ki hotau ngaahi fāmilí.



Te u teunga fēfē nai 'i he'eku 'alu ki he tempalé?



'Oku totonu ke ke tui ho vala lelei tahá ki he tempalé. Ko ho'o hū pē ki lotó, te ke fetongi leva ki ha vala makehe ke fakahoko 'aki e ngaahi ouaú. Ki he papitaisó, 'e 'oatu 'e he kau ngāue tempalé ha 'ova-lolo hinehina ke ke tui.

'Oku 'uhinga ki he hā 'a e papitaiso mā'á e kau pekiá?

'E lava ke tau papitaiso 'i he tempalé mā'á e kakai kuo pekia ne te'eki papitaisó. Te ke tui vala hinehina pea fakauku (puli kakato) hifo 'i he vai.



Ko e hā 'a e lekomeni tempale?

Ko e lekomeni tempalé ko ha la'ipepa sí'sí'i ia 'okú ne faka'atā koe ke ke hū ki he tempalé. Te ke lava 'o mā'u ia mei ha mēmipa ho'o kau pīsopelikí pe kau palesiteni-sī fakakoló. Te ne fehu'i atu pe 'okú ke tauhi e ngaahi fekaú pea kapau 'oku 'i ai ha'o fakamo'oni. Kapau 'okú ke mo'ui taau mo mateuteu ke hū he tempalé, te ne 'oatu ha'o lekomeni tempale.



KO E HĀ 'A E OUAU LAKANGA FAKATAULA'EIKI?

Ko e ouau 'o e lakanga fakataula'eiki ko ha ngāue toputapu ia 'oku fakahoko 'i he mafai mo e mālohi mei he 'Otuá. Ko e papitaisó, hilifakinimá, mo e sākalamēnití ko ha ngaahi ouau ia 'oku fakahoko 'i tu'a 'i he tempalé. Ko e papitaiso 'i he tempalé, 'enitaumení, mo e silá ko ha ngaahi ouau ia 'oku fakahoko 'i loto he tempalé.



TAMAI HĒVANÍ



KITAUTOLU

KO E HĀ 'A E FUAKAVA?

Ko e fuakavá ko ha palōmesi tafa'aki ua ia 'oku tau fakahoko mo e Tamai Hēvaní. 'Oku tau palōmesi kiate Ia ha ngaahi me'a pau, pea 'okú Ne tala'ofa mai te Ne 'iate kitautolu mo tāpuaki'i kitautolu.